

Rau Tau Paulus Iboode Pa Yes Tesalonika Imin Maata 1 Tesalonaika—1 Thessalonians

¹ Yau Paulus. Yeiru Silas ve Timoti nibood rau tane ilat pa lupuuñ to Krisi tau aleep izi nugh Tesalonika. Yam tau apaak Tamaan Maaron ve Tiina toit Yesu Krisi, ve aleep ila toozi na. *

Poia to Maaron izaa tsiam, ve inñin gham aleep poia toman lolomim luuma. Onoon.

Yes Tesalonika titotoi ghuruuñ ila toozi ivot ig-hazoon

²⁻³ Saawe isov, yei nipapait Tamaan Maaron pa yam asov toman lolomai poia kat, ve nighurghur gham ila sunuuñ tsiei, ve matamai ingalngal ngar popoia tau yam aghamgham zi na. Pasaa, yam aghur ila to Krisi ariaañ, tauta ipaburigin gham pa ghamuuñ uraat popoia naol. Ve lolomim pa tamtamon ve aghe agham poghani zi, tauta aghamgham uraat tiina pa uleeñ zi. Ve yam awatagh aghe Tiina toit Yesu Krisi pale imuul ilam ve igham mulin gham. Tauta ayooz ariaañ pa badoon patañani, ve aghurghur matamim pa muleeñ tooni. *

⁴ Yam tonvetaz, yei niwatagh: Maaron loolo igheen tsiam kat, ve isiigh gham amin i le wa. *

⁵ Pasaa, saawe tau nilam ve nivotia vaaru poia payam, ene saveeñ mon tau ilat ne mako. Saawe

* **1:1:** Mbanj 17:1-13 * **1:2-3:** 1Kor 13:13; Kol 1:4+; 1Tes 4:14+

* **1:4:** 2Tes 2:13

tana, Maaron itotoi tauu tapiri payam, ve Avuvu Patabuyaany igham uratoi gham. Ve aghilaal aghe saveeny tau nisavia payam na, yei nighur ila kat. Ve yam taumim awatagh: Saawe tau nileep tomani gham, yei nitotoi ngar to Krisi payam, leso niuul gham to ataghoni. *

⁶ Onoon, saawe tau yam aloony saveeny tsiei ve aghur ila, tamtamon tigham patanyani tiina payam. Eemon Avuvu Patabuyaany igham gham lolomim poia le poia kat. Ve yam ataghon katin ngar tsiei, ve ngar to Tiina toit Krisi paam.

⁷ Tauvene yam amin totoyaany poia ee pa tamtamon tisov to Masedonia ve Akaia tau tighur ila to Krisi na. *

⁸ Yam amin belo tau tisenji gha luutu irau nugh. Pasaa, yam agham saveeny to Tiina toit, ve asakia ila irau taan sirivu to Masedonia ve Akaia. Ve tane mon mako. Ghuruuny ila tsiam tau inarui Maaron na, ene vaaru ilaan irau nugh tisov. Tauvene lemai saveeny eta to nisavia pazi muul mako. Pasaa, varumim ta tiloonya wa. *

⁹ Tauvene eval tiina tisasavia varumim tighe saawe tau nilat ve nileep tomani gham, yam aloony saveeny tsiei, ve aghur murimim pa maaron karomnya, leso abees pa Maaron tauu. I Maaron tau ileep maata yaryaare irau saawe. *

¹⁰ Ve tisavi gham tighe yam asaanjan Maaron Naatu tau i ipaburigini pa mateegh na. I pale ipul sambam ve izilam to igham mulin ghiit pa aatyavyav to Maaron tau murei pale ivot. *

* **1:5:** Ro 1:16+; 1Kor 2:4, 4:20 * **1:7:** 1Tes 4:10 * **1:8:** Ro 1:8 * **1:9:** Mbanj 14:15 * **1:10:** Ro 5:9; Pil 3:20; 1Tes 5:9; Tit 2:13

2

Paulus maata ingal uraat tau i ighamu izi Tesalonika na

¹ Yam tonvetaz, yam awatagh: Saawe tau nilat itinja taleep, nirav taumai sorok pa uraat mako. Uraat tsiei ighur anooᅇa. *

² Yam aat matamim ingal. Saawe tau nigham uraat izi nugh Pilipai, tighur yavyavuunᅇ tiina payei ve tipamayanᅇin ghei kat. Ve saawe tau nilat gha nigham uraat izi nugh tsiam, tamtamon katini tizoor saveeᅇ tsiei, ve tigham pataᅇani tiina payei muul. Eemon Maaron ipalot ghei, tauta niroi mako, ve niyooz ariaaᅇ pa votiaaᅇ vaaru poia payam. *

³ Uraat tsiei to palotiinᅇ tamtamon leso tighur ila to Krisi, ene ᅇgar yonᅇaaᅇa eta igheen ila loloo mako. Yei nipaghau tamtamon pa eez to Maaron mako, ve nigham karom eta mako. Yei nisasavia saveeᅇ onoon mon, ve nisavsav toman lolomai. *

⁴ Maaron ighit ghei ighe yei nirau uraat. Tauta inumeer ghei, ve ighur uraat to votiaaᅇ vaaru poia ila nimamai. I igagabiiz ghei, ve ighita ᅇgar isov tau igheen ila lolomai. Tauvene saawe tau nivotia vaaru poia pa tamtamon, ighe loloo poia pa uraat tsiei, ma loloo poia pani mako, ene nigham ᅇgar pa gabua tauvene mako. Yei nighe Maaron ighita uraat tsiei ve loloo poia pani. *

⁵ Ve yam awatagh: Saawe tau itinja talepleep, yei nigham saveeᅇ ᅇgoreeᅇ payam to nigham lolomim mako. Ve nipamir taumai pa uraat, leso agham

* **2:1:** 1Tes 1:5, 9 * **2:2:** Mbaᅇ 16:19, 17:1-10 * **2:3:** 2Kor 2:17, 4:2 * **2:4:** 1Kor 4:1+; Ga 1:10; Tit 1:3

lemai gabua ne mako. Ila Maaron maata, saveen tsiau tane, ene onoon. *

⁶ Ve yei nigham uraat tane leso yam, ma tamtamon siriv apait ezamai ne mako. *

⁷ Onoon, yei mbanjoona to Krisi. Tauvene yei irau niyaryaan payam to ataghon ngar tsiei ve agham uleen siriv payei. Eemon nigham tauvene mako. Saawe tau nileep ila sosomim, yei ningin gham poi, imin payamyam tinazi tau irarar pa tauu natna. ⁸ Pasaa, lolomai igheen tsiam kat. Tauta nighe le nivotia vaaru poia to Maaron payam. Ve tane mon mako. Yei nighe nirei taumai pa uleen gham paam. Pasaa, lolomai payam kat. *

⁹ Yam tonvetaz, yam aat matamim ingal. Saawe tau itina talepleep ve nivotia vaaru poia payam, mbon ve mataaz, nirav taumai pa uraat. Leso nigham maet rig to iuul ghei pa lepoggh tsiei, ve nigham patajani payam sov. *

¹⁰ Tauvene ngar tau nigham payam na, taumim aghita ve irau asavia. Ve Maaron ighita paam. Yam tau aghur ila to Krisi na, nigham sosor eta payam mako. Yei nigham ngar patabuyaan mon tau iduduun ila Maaron maata, ve iduduun ila tamtamon matazi paam. ¹¹ Yam awatagh: Yei nigham ngar payam imin ngar tau tamaanna tighamgham pait. ¹² Pasaa, yei nipalot gham, leso ayooz tunja. Ve saawe tau patajani igham gham, yei nirav atemim. Ve avomai iyaryaan payam nighe: Maaron igham poghani gham, ve

* **2:5:** Mban 20:33; 2Kor 2:17 * **2:6:** Yo 5:41, 44; 2Kor 4:5

* **2:8:** 2Kor 12:15; Pil 2:17 * **2:9:** Mban 18:3, 20:34; 1Kor 4:12; 2Tes 3:8

ipoi gham to aleep ila pooz tooni loolo. Leso murei aleep ila mbonari loolo izi nugh sambam. Tauvene yam aat ataghon ngar tau Maaron loolo pani, o laghoon tsiam iduduun pa poia tooni tiina tau iza tsiam na. *

Yes Tesalonika tiyooz ariaan pa badoon patanani

¹³ Puughu ite tau nipait Maaron toman lolomai poia, ene vene: Saawe tau nivotia Maaron aliinja payam, yam aghita saveen tsiei imin saveen sorok to tamtamon ne mako. Yam aghur talinamim pani poi, ve aghilaal aghe ene Maaron tauu aliinja. Tauta aghur ila. Ve aazne, saveen tana ighamgham uraat tiina ila yam tau aghur ila na lolomim. *

¹⁴ Yam tonvetaz, ngar tau ivot payam, ene raraate imin ngar tau ivot pa yes tau titaghon Yesu Krisi ve tileep ila lupuun to Maaron izi Yudea. Pasaa, zeran tau yamja nugh eemon na, yes tighurghur patanani payam, raraate imin yes Yuda tighamgham pa lupuun to Krisi tau tileep izi nugh toozi. *

¹⁵ Aghita. Muun, yes Yuda tirav propet siriv timatmaat, ve tirav Tiina toit Yesu imaat paam. Ve yei paam, tighur patanani payei, ve tiziir ghei nighau pa nugh toozi. Yes tighur koi pa tamtamon tisov. Tauvene ngar tau tighamghamu na, ene irau Maaron loolo mako. *

¹⁶ Ve gabua ite. Yei nighe nivotia Maaron aliinja pa yes tau Yuda mako na, lesa Maaron igham

* **2:12:** Ep 4:1; Pil 1:27; Kol 1:10

* **2:13:** Ga 1:11+; 1Tes 1:5

* **2:14:** Mbanj 17:5+; Hib 10:33+

* **2:15:** Mt 23:34+; Mbanj 2:23

mulin zi paam. Eemon yes Yuda lolozi pa ngar tane mako. Tauta titovtoova to tipoon eez payei, leso nivotia Maaron aliina pazi sov. Ngar sasaghati tau tighamgham zi na, indoundouu ila ila le ipas puughu. Tauta aatyavyav to Maaron izaa toozi wa. *

Paulus ighe ighita yes Tesalonika muul

17-18 Yam tonjvetaz, yam awatagh: Yes Yuda tireu ghiit, tauta rekia mon yei nipul gham, ve sooso rig tane, taleep soghan soghan pa tauun. Eemon lolomai, ene igheen tsiam, imin tamtamon tau naatu ileep soghan pani, ve ipasawal pani ighe le ighita. Tauvene ngar tsiei iyaryaan nighe nilat nighita naghomim muul, o poia. Saawe naol, yau Paulus natovtoova naghe nalat naghit gham. Eemon Neer Saghati iponpoon eez payei. *

19 Aghita. Saawe tau Tiina toit Yesu Krisi imuul ilam, yei pale nighur matamai pa saa gabua? Ve saa ta pale nipakur ghei pani, ve igham ghei tintinmai ila i naagho? Ve saa ta pale imin puughu, leso i igham lemai atuya poia? Ene yam! Pasaa, uraat tsiei anoonja, ene yam tau! *

20 Onoon kat. Yam ta agham ghei nipakur ghei, ve tintinmai kat.

3

Paulus ipaes pa puughu tau imbaan Timoti ila igig yes Tesalonika

1-2 Saawe tau nilepleep izi nugh Atens, yei nigham ngar naol payam nighe: Yam aleep poi, ma

* **2:16:** Mbanj 13:45, 50, 17:5 * **2:17-18:** Ro 1:13, 15:22 * **2:19:** Pil 2:16, 4:1

mako? Nileep le mako, tauta nimbaan tonvetaz toit Timoti ilat payam. Ve yei siriv, nileep izi ta sene. Timoti yeŋa niluplup ghei pa uraat to Maaron, ve nivovotia Krisi vaaru. Tauta nimbaan ilat payam, leso ipalot ghuruun ila tsiam, ve ayooz ariaan.*

³ Pasaa, niroi pa patanani tau ighamgham gham na, pale itok tamtamon tsiam siriv, ve tipul ghuruun ila toozi. Eemon yam awatagh: Iit tau tataghon eez to Maaron ne, aat tabaad patanani tauvene.*

⁴ Pasaa, saawe tau itinja talepleep na, yei nisaav payam pataghaan wa nighe: “Ayamaan gham. Pa tamtamon pale tighur patanani pait.” Saveen tsiei tana ighur anooŋa gha aghita wa. ⁵ Tauvene saawe tau naleep izi Atens, yau naghama ngar naol payam. Naleep le mako, tauta nambaan Timoti ilat. Leso igabiiz ghuruun ila tsiam: Iyaryaan, ma mako? Pasaa, naroi kat. Pa ighe Neer To Tovaan* itoov gham ve atap, ene pale uraat tsiei ighur anooŋa mako.*

Paulus iloon yes Tesalonika varuzi le loolo poia kat

⁶ Tauta Timoti ilat igig gham. Ve ngarig gha i ilam ivot tsiei muul, ve ipaesia varumim poia payei ighe yam akis ghuruun ila tsiam tunja, ve lolomim igheen to Maaron ve tamtamon paam. Ve isaav payei ighe yam lolomim poia pa saawe tau nilat nileep tomani gham ve itinja taluplup ghiit

* **3:1-2:** Mban 17:15 * **3:3:** Yo 16:33; Mban 14:22; 2Tim 3:12

* **3:5:** Neer To Tovaan ene Sadan eeza ite. * **3:5:** Pil 2:16

na. Tauta apasawal payei irau saawe aghe le aghit ghei muul, raraate imin yei paam lolomai nighe le night gham. *

⁷⁻⁸ Tauvene yam tonvetaz, onoon, aazne patanjani tiina igham ghei, le niil eez kat. Eemon saawe tau niloon varumim tigde yam ayooz tunja, ve aghur ila to Tiina toit ariaan, ene ipalot ghei, ve igham ghei lolomai poia kat.

⁹ Tauvene saawe isov tau nisun ila Maaron toit maata, ve matamai ingal gham, yei nipaiti pa poia tooni toman lolomai poia kat. Eemon nilil pa savaaveen. Pale nisavia saa saveen, leso itotoi lolomai poia tane? Pasaa, saveen eta irao mako.

¹⁰ Mbon ve mataaz, yei nisunsun Maaron ariaan nighe igham eez eta ivot, leso nilat night gham muul, ve nipalot ghuruun ila tsiam. Ve isaav ighe yam ambool pa ngar siriv, mako nipaghazonjai gham pani. *

Paulus ighason Maaron to ipalot yes Tesalonika

¹¹ Tauvene yau nasun Tamaan Maaron yesuru Tiina toit Yesu naghe tigham lemai eez, leso nilat tsiam. ¹² Ve naghe Tiina toit ipalot gham, leso lolomim pa taumim, ve lolomim pa tamtamon tisov. Naghe ngar tane ivot imin tiina le raraate imin yei lolomai payam. *

¹³ Leso ngar patabuyaana to Maaron igheen ariaan ila lolomim. Ve saawe tau Tiina toit Yesu imuul ilam tomania tamtamon tooni patabuyaana tisov,

* **3:6:** Mban 18:5 * **3:10:** Ro 1:10+ * **3:12:** 1Pe 1:22

ve yam ayooz ila Tamaan Maaron naagho to igabiiz gham, i aat ighit gham ighe yam lemim sosor eta mako. *

4

Taghur boog sov

¹ Aiyo, yam tonvetaz, yau naghe nasavia saveen tane, ve isov. Ngar tau Maaron lolo pani na, yei nisavia payam gha awataghi wa. Tauta laghoon tsiam, yam aat ataghon ngar tana. Ve aazne, nighe nipalot gham pani muul ila Tiina toit Yesu eeza, lesa ataghooni le ataghooni kat. *

² Tutuun tau nisavi zi payam ila Tiina toit Yesu eeza na, yam awataghiir zi wa. ³ Maaron ighe yam ataghon ngar patabuyaan imin i tauu. Tauvene ngar to ghuruun boog, yam aleep soghan pani. *

⁴ Yam tamtamon enaena, aat matamim ingal taumim azuwamimna ve aleep tomani zi. Lesa ataghon ngar patabuyaan tau poia ila Maaron maata, ve tamtamon matazi paam. *

⁵ Yes tau tiwatagh Maaron mako na, matazi saghati, ve monmon ghaara toozi ipapazaagh zi. Yam ataghon zi pa ngar toozi tawe sov. *

⁶ Aghita. Isaav ighe aghur boog pa tonvetaz tsiam azuwazna, yam agham sosor pa tonvetaz tsiam tana, ve agham karom pazi. Tamtamon tisov tau

* **3:13:** 1Kor 1:8+; 1Tes 5:23 * **4:1:** Kol 1:10 * **4:3:** 1Kor 6:18; 2Kor 7:1; Ep 5:3 * **4:4:** Eez ite to tator ziiri tane ene vene: “Yam tamtamon enaena, aat matamim ingal taumim, ve angin ghaara tsiam poi. Lesa ataghon ngar patabuyaan tau poia ila Maaron maata, ve ila tamtamon matazi paam.” * **4:5:** Ep 4:17+; Kol 3:5

ighe tigham sosor tauvene, Tiina toit pale ighur atuya pazi. Saveeņa, yei nisavia payam gha alooņa wa. Pa muuņ, nisaav ariaaņ payam pa ņgar tane.
*

⁷Maaron ipoi ghiit tamin le to tagham ņgar saghati mako. I ighe tataghon ņgar ņgalaanĵa ve ņgar patabuyaan imin i tauu.
*

⁸Tauvene isaav ighe ņeer eta izoor saveeņ tane, ene izoor saveeņ to tamtamon mako. I izoor Maaron tau igham Avuvu Patabuyaan payam ne aliinĵa.
*

Loloon pa tamtamon

⁹⁻¹⁰Ve ņgar to loloon pa toņvetaz to Kriši, lemai saveeņ eta to niboode payam mako. Pasaa, Maaron tauu ipaghazoņai gham pa ņgar tane gha aghazoņ pani wa. Tauta lolomim igheen to toņvetaz tisov to Kriši tau tileep irau taan sirivu to Masedonia na. Eemon nighe nipalot gham pani muul, leso ņgar tane ivot imin tiina kat ila sosomim.
*

Taleep ila tamtamon siriv nimazi sov. Tauun tagham uraat.

¹¹⁻¹²Yam aat azuari gham pa taghoniin ņgar marowa, ve matamim inĵal uraat tsiam. Aleep ila tamtamon eta niima sov, ve alaagh soroksorok sov. Nimamim iyaryaņ pa ghamuuņ uraat, itaghon tutuuņ tau muuņ nisavia payam na. Leso

* **4:6:** Igham 20:14; Hib 13:4 * **4:7:** 1Pe 1:15+ * **4:8:** Lu 10:16; 2Kor 1:22; Ep 4:30 * **4:9-10:** Yo 15:12; Ep 5:2; 1Yo 3:11+

ambool pa gabua eta sov, ve gabuamim iduduun ila yes tau tighur ila mako na matazi. *

Muleej to Tiina toit ve burigiinj to yes mateegha

¹³ Yam tonvetaz, yes tau tighur ila to Krisi ve timaat na, yei nighe yam awatagh gabua tau pale ivot pazi. Leso agham njar naol ve lolomim ipatajan kat pa mateegha tsiam imin yes tau tighur ila mako na sov. Yes tighurghur matazi pa burigiinj to yes mateegha mako. Tauta isaav ighe toozi eta imaat, ene igham zi lolozi ipatajan kat. *

¹⁴ Eemon iit taghur ila taghe Yesu imaat ve iburig pa mateegh wa. Tauvene yes tau tighur ila tooni ve timaat na, Maaron pale ipaburigin zi ila Yesu tapiri, ve iyau zi gha yesja Yesu tizala tooni. *

¹⁵ Aloonj. Ene Tiina toit Yesu tauu aliija ta nisavia payam: Saawe tau i imuul ilam, iit tau taleep mataan yaryaare ne, irau tamuun pa yes mateegha mako. *

¹⁶ Pasaa, saawe tau Tiina toit Yesu ipul sambam ve izilam, Maaron pale isaav ariaanj toman aliija tiina, ve daaba to yes anjela iboob, ve tavuur to Maaron itanj. Mako yes tau timin Krisi le ve timaat na, tiburig imin maata. *

¹⁷ Mako tiyau iit tau taleep mataan yaryaare ne paam, tomania yes tau tiburig pa mateegh na, ve rekia mon tindai ghiit talonj tala taitai loolo ta saanja we. Leso taghita Tiina toit, ve itinja taleep taghon taghon gha ila. *

* **4:11-12:** Ep 4:28; 2Tes 3:10+; 1Pe 2:12 * **4:13:** Ep 2:12

* **4:14:** Yo 11:25; 1Kor 15:13+ * **4:15:** 1Kor 15:51+ * **4:16:**

Mt 24:30+; 2Tes 1:7+ * **4:17:** Yo 12:26, 14:2+

18 Tauvene matamim inġal saveeġ tane, ve avapaloti gham pani.

5

Tagharaat tauun ve tasarġan muleeġ to Tiina toit

¹ Yam toġvetaz, saawe duduun to Tiina toit imuul ilam, ene irau nibood saveeġa eta payam mako.

² Pasaa, taumim awatagh wa. Saawe to Tiina toit imuul ilam, ene pale ipateeġ ghiit imin umbuunġa tau ilam pa mboġ. *

³ Tamtamon pale tisaav tighē: “Aa, aazne taleep poia kat. Gabua eta irau ivaghamun ghiit mako.” Pale tisavsav tauvene, ve rekia mon pataġani tiina ivot pazi le ivaghamun zi kat. Pale ipateeġ zi imin yavyavuunġ tau iġhamgham zilivaa pa popaġ. Ve irau tighau pani mako.

⁴ Eemon yam toġvetaz, aazne aleep ila ndoroom loolo mako. Tauvene saawe tana irau ipateeġ gham imin umbuunġa ne mako. ⁵ Pasaa, yam asov tamtamon to mataaz ve alaagh ila ghazonġa to Maaron loolo. Iit tamin yes to mboġ tau tileep ila ndoroom loolo ne mako. *

⁶ Tauvene iit tagheen le loloon iveeġh imin tamtamon siriv sov. Tamamaat ve taġġin tauun poi. *

⁷ Iit tawatagh: Yes tau tighēen na, tighēen pa mboġ. Ve yes tau tighun le tisaghat na, tighun pa mboġ. ⁸ Eemon iit, tamtamon to mataaz. Tauvene iit aat taġġin tauun poi. Ve taghur ila ariaaġ, ve loloon pa Maaron ve tamtamon paam. Pa nġar tauvene, ene imin gabua ariaaġa to ipoon gargariin

* **5:2:** Mt 24:43, 25:13; 2Pe 3:10; Syg 3:3 * **5:5:** Ep 5:8+; 1Yo 1:7

* **5:6:** Mt 25:1-13; Ro 13:11+; Ep 5:14

pa zaab. Ve taghur mataan pa saawe to Maaron igham mulin ghiit ve taleep poi. Pa ngar tauvene, ene imin hat ariaaᅇa to ipoon dabaan pa zaab. *

⁹ Aghita. Maaron ighur ghiit to aatyavyav tooni iza toit mako. I ighur ghiit pataghaaᅇ ighē igham mulin ghiit ila uraat to Yesu Krisi, lesō taleep poi. *

¹⁰ Krisi igham niaan ve imaat pait, lesō igham ghiit tala taleep tomania. Tauvene saawe to muleeᅇ tooni, isaav ighē tamaat, ma taleep mataan yaryaare, ene i aat igham ghiit tala itiaᅇa taleep. *

¹¹ Tauvene yam asov avapaloti gham ve apariaaᅇ zeetmimᅇa pa ngar to Krisi, imin tau aazne yam aghamghamu ne. *

Tutuunᅇ siriv

¹² Yam tonᅇvetaz, ᅇginiiaᅇa tsiam tighamgham uraat tiina ila yam sosomim, ve tipapaduduunᅇ gham lesō ataghon dudunᅇai Tiina toit ngar tooni. Tauvene yei nighason gham to atandagh pazi, ve aleep ila sambazi. ¹³ Apakur zi, ve lolomim pazi kat. Pa yes tighamgham uraat tiina payam. Ve yam asov alup lolomim imin eemon, ve aleep toman ngar luuma. *

¹⁴ Yam tonᅇvetaz, yei nighe nipalot gham pa ngar siriv. Yes tapirgomᅇa tau tilepleep sorok na, yam asaav ariaaᅇa pazi to tigham uraat. Ve yes tau matazi roiroi, ma lolozi ipataᅇan, na apalot zi. Ve yes tau tapirizi imbool ve tirau uraat mako, na aul zi. Ve atotoi ngar marowa pa tamtamōn tisov.

* **5:8:** Ep 6:13+ * **5:9:** Ro 5:9; 1Tes 1:10; 2Tes 2:13+ * **5:10:**

Ro 14:8+; 2Kor 5:15; 1Tes 4:14 * **5:11:** Hib 10:24+ * **5:13:**
1Tim 5:17; Hib 13:17

Isaav ighe tamtamon eta igham saghatin gham, na ayai gham ve abaado mon. *

¹⁵ Tauvene isaav ighe tamtamon eta igham ngar saghati payam, na ayatu sov. Saawe isov, atoova to atotoi ngar poia pa taumim ve tamtamon tisov. *

¹⁶ Lolomim poia irau saawe. *

¹⁷ Ve asuŋ irau saawe. Apuli sov. *

¹⁸ Saa gabua tau ighe ivot payam, na lolomim poia mon pa Maaron ve apaiti. Pa i ighe yam tau apaak Kriŋi ve aleep ila tooni na, agham tauvene. *

¹⁹ Arav matin yav to Avuvu Patabuyaanaŋ sov. **

²⁰ Ve Maaron aliina tau propet tooni tisavia payam na, aveleghi, ma aghita imin saveeŋ sorok sov.

²¹ Eemon yam aat agabiiz poghania saveeŋ ve ngar ta naol ne. Ighe popoia, na akis zi ve ataghon zi. *

²² Ve ngar sasaghati ta naol ne, aleep soghan pazi.

Paulus ipasov saveeŋ tooni

²³ Maaron toit, i ngar luuma puughu, ve ingin ghiit taleep poia irau saawe. I tauu aat igham gham ataghon ngar patabuyaanaŋ mon. Ve ingin anunumim, lolomim ve ngar tsiam, tomania anonaŋim, ve igham gham ataghon ngar poia mon

* **5:14:** Ga 6:2+; Kol 3:12; 2Tes 3:11+ * **5:15:** Mt 5:39+; Ro 12:17; 1Pe 3:9 * **5:16:** Pil 4:4 * **5:17:** Lu 18:1; Ro 12:12; Ep 6:18; Kol 4:2 * **5:18:** Ep 5:20; Kol 3:17 * **5:19:** Ziiri tane, ngara tauvene: Isaav ighe Avuvu Patabuyaanaŋ ipaburigin ghiit pa ghamuun ngar eta, na taghamu mon. Tazoor ngar tooni sov. Ve isaav ighe i igham uraat tiina ila zetaannaŋa siriv lolozi, ene paam, tayau avoon pazi sov. * **5:19:** Ep 4:30 * **5:21:** 1Kor 14:29; 1Yo 4:1

le irau muleeñ to Tiina toit Yesu Kresi. Leso lemim sosor eta ila i maata sov. *

²⁴ Maaron tau ipoi gham amin le na, i aat igham tauvene. Pasaa, i aavo onoon, ve itataghon saveeñ mbuaañ tooni. *

²⁵ Yam tonvetaz, matamim ingal ghei, ve aghur ghei ila sunuun tsiam. *

²⁶ Atak tonvetaz to Kresi tisov nimazi, ve agham zi toman lolomim poia. *

²⁷ Yau nasaav ariaañ payam ila Tiina toit eeza: Awaat rau tane pa tonvetaz toit tisov tau tighur ila to Kresi na.

²⁸ Poia to Tiina toit Yesu Kresi iza tsiam. Onoon.

* **5:23:** Ro 15:33; 1Kor 1:8+; 1Tes 3:13; 2Tes 3:16 * **5:24:** Pil 1:6;
2Tes 3:3 * **5:25:** Ro 15:30; Kol 4:3; 2Tes 3:1 * **5:26:** Ro 16:16

**Maaron Saveen Tooni Patabuyaang
The New Testament and portions of the Old Testament
in the Tuam dialect of the Saveeng language of Papua
New Guinea. The Saveeng language is also called the
Mutu language.
Sampela hap Buk Baibel long tokples Saveeng Tuam
long Niugini.**

copyright © 2011 Wycliffe Bible Translators, Inc.

Language: Saveeng (Mutu)

Dialect: Tuam

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 22 Feb 2024 from source files dated 31 Aug 2023

adb844f0-d769-5b05-9dd0-7c01fca938bb